



KEMENTERIAN PERDAGANGAN DALAM NEGERI
DAN KOS SARA HIDUP

MAJLIS PERUTUSAN KPDN 2026

HALA TUJU KPDN 2026



3 INDIKATOR MEMAKNAI ASPIRASI RAKYAT



BAZAR RAMADAN RAHMAH (BRR) W.P. KUALA LUMPUR
TAWAR MENU RAHMAH JADI TARIKAN PENGUNJUNG



Kandungan

HALA TUJU KPDN 2026

→ 6

MAJLIS **PERUTUSAN KPDN** TAHUN 2026

→ 9

BAZAR RAMADAN RAHMAH (BRR) W.P. KUALA LUMPUR TAWAR MENU RAHMAH JADI TARIKAN PENGUNJUNG

→ 10

ADVOKASI PRICECATCHER SEMPENA MAJLIS PELUNCURAN DASAR KETERJAMINAN MAKANAN NEGARA 2030

→ 11

6 **LOKASI BRR KELANTAN** JADI TUMPUAN PENGUNJUNG SEPANJANG RAMADAN

→ 12

MAJLIS PENYERAHAN PROJEK **KAMPUNG ANGKAT MADANI DAN SEKOLAH ANGKAT MADANI KPDN** TAHUN 2026

→ 13

PEMUKIMAN STRATEGIK **HALA TUJU & FOKUS** KEMENTERIAN PERDAGANGAN DALAM NEGERI DAN KOS SARA HIDUP TAHUN 2026

→ 14

KUNJUNGAN HORMAT YB MENTERI WANITA, KESIHATAN DAN KESEJAHTERAAN RAKYAT SABAH KE KEMENTERIAN PERDAGANGAN DALAM NEGERI DAN KOS SARA HIDUP

→ 16

MAJLIS MENANDATANGANI **SURAT PERSEFAHAMAN (LOU)** ANTARA SURUHANJAYA PERSAINGAN MALAYSIA (MYCC) DAN JABATAN WILAYAH PERSEKUTUAN (JWP)

→ 18

MAJLIS PENAMATAN **PROGRAM PEMENTORAN** SESI 2025 KPDN

→ 19

PROGRAM MANFAAT RAKYAT TURUN PADANG BRR TINJAU **INISIATIF KERAJAAN** KEPADA

→ 20

Kandungan

MYCC LANCAR KAJIAN PASARAN EKOSISTEM EKONOMI DIGITAL DI BAWAH AKTA PERSAINGAN 2010	→	21
MAJLIS PELANCARAN INISIATIF IHSAN FOOD BANK (I-FB)	→	22
PELAKSANAAN SKIM HARGA MAKSIMUM MUSIM PERAYAAN TAHUN BAHARU CINA TAHUN 2026	→	25
MESYUARAT PENSTABILAN HARGA SABAH, SARAWAK DAN W.P. LABUAN BIL 1 TAHUN 2026	→	26
PELAKSANAAN SHMMP TAHUN BAHARU CINA PERINGKAT NEGERI KEDAH DAN PERASMIAN PJRM PREMIUM 3.0	→	27
MAJLIS AMANAT YAB PERDANA MENTERI TAHUN 2026	→	28
KPDN PERKASA PENYAMPAIAN PELAKSANAAN DASAR PENGGUNA NEGARA 2.0 (DPN 2.0)	→	29
PELANCARAN BAZAR RAMADAN RAHMAH (BRR) PERINGKAT KEBANGSAAN TAHUN 2026	→	31
PROGRAM PENGHAYATAN NILAI-NILAI ISLAM SIRI 1	→	32
MAJLIS MENANDATANGANI SURAT PERSEFAHAMAN ANTARA KBS DAN MYCC	→	33
AKTIVITI PENGUATKUASAAN	→	34
SOROTAN LENSA KPDN 2026	→	36



KEMENTERIAN PERDAGANGAN DALAM NEGERI
DAN KOS SARA HIDUP

Selamat Menyambut Tahun Baru

2026

1 JANUARI 2026

Ikhlas Daripada

Pengurusan Tertinggi dan
Seluruh Warga Kerja KPDN



f x d i y t KPDN

www.kpdn.gov.my



KEMENTERIAN PERDAGANGAN DALAM NEGERI
DAN KOS SARA HIDUP

SALAM

Israk & Mikraj

17 Januari 2026 | 27 Rejab 1447H

“Maha suci Allah yang telah menjalankan hambaNya (Muhammad) pada malam hari dari Masjid Al-Haraam (Makkah) ke Masjid Al-Aqsa (Palestin), yang kami berkati sekelilingnya, untuk memperlihatkan kepadanya tanda-tanda (kekuasaan dan kebesaran) Kami. Sesungguhnya Allah jualah yang Maha Mendengar, lagi Maha Mengetahui.”

(Surah Al -Isra', 17:1)

Ikhlas Daripada

Pengurusan Tertinggi dan
Seluruh Warga Kerja KPDN



f x d i KPDN

www.kpdn.gov.my



KEMENTERIAN PERDAGANGAN DALAM NEGERI
DAN KOS SARA HIDUP



YB DATUK ARMIZAN MOHD ALI

Menteri Perdagangan Dalam Negeri dan
Kos Sara Hidup

HALA TUJU KPDN 2026

BFI Indikator

**MEMAKNAI ASPIRASI RAKYAT
MENERUSI IKHTIAR K.P.D.N. K.I.T.A.**



BLUEPRINT (B)

Dasar, pelan
strategik,
belanjawan.

Rencana diDENGAR



FOOTPRINT (F)

Inisiatif, program,
penguatkuasaan.

Tindakan diLIHAT



IMPRINT (I)

Petunjuk prestasi,
kestabilan harga,
penyertaan rakyat.

Manfaat diRASAI



**MALAYSIA
MADANI**

f x d @ KPDN
www.kpdn.gov.my



KEMENTERIAN PERDAGANGAN DALAM NEGERI
DAN KOS SARA HIDUP



YB DATUK ARMIZAN MOHD ALI

Menteri Perdagangan Dalam Negeri dan
Kos Sara Hidup

Reformasi UNDANG-UNDANG & INSTITUSI KPDN 2026

1 Pindaan Akta Persaingan 2010 dan Akta Suruhanjaya Persaingan 2010

Memperkasa peruntukan berkaitan
penyiasatan dan penguatkuasaan bagi
meningkatkan ketangkasan MyCC
dalam memerangi kartel atau
monopoli.



2 Pindaan Akta Jualan Langsung dan Skim Anti-Piramid 1993

Memperkasa kawal selia terhadap
amalan jualan langsung dan skim
pelaburan berisiko dalam melindungi
pengguna.



3 Penggubalan Undang-Undang berkaitan E-Dagang - Akta Perdagangan Elektronik 2006

Menangani cabaran transaksi digital
secara menyeluruh, termasuk isu
akauntabiliti platform e-dagang dan
perlindungan kepada pengguna.



4 Penggubalan Undang-Undang berkaitan Lemon Law - Akta Perlindungan Pengguna 1999

Memperkukuh peruntukan sedia ada dan
mewujudkan peraturan baharu dalam
menyelesaikan pertikaian yang lebih
terperinci bagi tuntutan tebus rugi,
khususnya bagi kenderaan baharu.



5 Penggubalan Undang-Undang Harta Alih Kepentingan Bercagar

Memudahkan pembiayaan
perniagaan dengan memberi
kejelasan dan keselamatan kepada
pemberi pinjaman melalui sistem
pendaftaran sukarela yang diselia
oleh SSM.





KEMENTERIAN PERDAGANGAN DALAM NEGERI
DAN KOS SARA HIDUP

Inisiatif **IHSAN FOOD BANK (IFB)**

Memperkukuh inisiatif bantuan makanan dan
memantapkan sekuriti makanan yang mampan.

“Santuni Komuniti, Sayangi Alam, Selamatkan Makanan”



 KPDN
www.kpdn.gov.my

MAJLIS PERUTUSAN KPDN TAHUN 2026

YB Datuk Armizan Mohd Ali, Menteri Perdagangan Dalam Negeri dan Kos Sara Hidup (KPDN) telah menyampaikan ucapan dan amanat kepada warga kementerian di Majlis Perutusan KPDN Tahun 2026 pada 21 Januari 2026 di Dewan Serba Guna KPDN, Putrajaya.

YB Menteri menegaskan komitmen KPDN untuk terus memperkukuh usaha pada tahun 2026 dengan mengambil iktibar daripada kejayaan yang diraih sepanjang tahun 2025. Langkah ini bertujuan memastikan kementerian terus memainkan peranan penting dalam menjaga kebajikan rakyat serta memacu pertumbuhan ekonomi negara.



Hala tuju tahun 2026 diteruskan dengan kesinambungan empat (4) anjakan fokus 2.0 K.P.D.N. K.I.T.A. dengan 3 indikator memaknai aspirasi rakyat yang merangkumi penterjemahan *Blueprints* (dasar, pelan strategik, belanjawan) kepada pelaksanaan *Footprints* (inisiatif, program, penguatkuasaan) dengan pencapaian *Imprints* (petunjuk prestasi, kestabilan harga, penyertaan rakyat). Indikator ini bermatlamat untuk memastikan rencana yang didengar oleh rakyat melalui pelbagai *Blueprints* akan diterjemahkan kepada tindakan *Footprints* seperti inisiatif dan program yang dapat dilihat serta penghasilan *Imprints* yang boleh dirasakan secara nyata oleh rakyat.

Di samping itu, KPDN akan terus memperkukuhkan reformasi perundangan dan institusi di bawah bidang kuasa kementerian agar dapat membentuk ekosistem yang lebih mampan buat industri dan pengguna pada masa hadapan.



YB Menteri turut mengingatkan seluruh warga kerja KPDN agar sentiasa berpegang pada integriti dan tatakelola yang telus dalam menyandang amanah rakyat dan negara. KPDN amat mengambil serius terhadap penyalahgunaan kuasa, penyelewengan dana awam dan keterlibatan aktiviti rasuah dalam kalangan penjawat awam.



Hadir bersama YB Senator Datuk Dr. Fuziah Salleh, Timbalan Menteri, YBhg. Dato' Seri Mohd Sayuthi Bakar, Ketua Setiausaha, YBhg. Datuk Roziah Abudin, Timbalan Ketua Setiausaha (Pembangunan Perdagangan Dalam Negeri), YBhg. Datuk Azman Adam, Ketua Pengarah Penguat Kuasa, Ketua-ketua Agensi, Setiausaha-setiausaha Bahagian, Pengarah-pengarah KPDN Negeri dan pegawai-pegawai kanan kementerian.

BAZAR RAMADAN RAHMAH (BRR) W.P. KUALA LUMPUR TAWAR MENU RAHMAH JADI TARIKAN PENGUNJUNG



YAB Dato' Seri Anwar Ibrahim, Perdana Menteri Malaysia diiringi oleh YB Datuk Armizan Mohd Ali, Menteri Perdagangan Dalam Negeri dan Kos Sara Hidup dan YB Puan Hannah Yeoh, Menteri di Jabatan Perdana Menteri (Wilayah Persekutuan meluangkan masa turun padang melakukan sesi *walkabout* ke khemah *MySaveFood* dan menyantuni para peniaga serta pengunjung bazar pada 24 Februari 2026.

Kemeriahan bazar Ramadan dapat dirasai apabila dibanjiri oleh pengunjung yang datang mencari juadah berbuka puasa di Tapak Bazar Ramadan Jalan Raja Alang, Kampung Baru, Kuala Lumpur.

Pelaksanaan Bazar Ramadan RAHMAH (BRR) pada tahun ini diperluas ke 116 lokasi di seluruh negara dengan menawarkan juadah berharga RM5 dan ke bawah. Ini merupakan kesinambungan usaha kerajaan dalam membantu meringankan kos sara hidup rakyat sepanjang Ramadan.

Turut hadir ialah YBhg. Dato' Seri Mohd Sayuthi Bakar, Ketua Setiausaha KPDN, YBhg. Datuk Azman Adam, Ketua Pengarah Penguat Kuasa KPDN, YBrs. En. Mohd Sabri Seman, Pengarah KPDN W.P Kuala Lumpur dan pegawai-pegawai kanan kementerian.



ADVOKASI PRICECATCHER SEMPENA MAJLIS PELUNCURAN DASAR KETERJAMINAN MAKANAN NEGARA 2030



Reruai Kementerian Perdagangan Dalam Negeri dan Kos Sara Hidup (KPDN) telah menerima kunjungan yang memberangsangkan daripada para pengunjung yang ingin mendapatkan informasi berhubung aplikasi PriceCatcher pada 29 Januari 2026 di Hotel Royale Chulan, Kuala Lumpur.

YAB Datuk Amar Haji Fadillah Haji Yusof, Timbalan Perdana Menteri Malaysia II merangkap Menteri Peralihan Tenaga dan Transformasi Air berkesempatan melakukan sesi *walkabout* ke reruai KPDN sempena Majlis Peluncuran Dasar Keterjaminan Makanan Negara 2030.

Aktiviti advokasi merupakan salah satu pendekatan KPDN dalam memastikan penyampaian maklumat dapat disampaikan secara terus kepada rakyat.

6 LOKASI BRR KELANTAN JADI TUMPUAN PENGUNJUNG SEPANJANG RAMADAN

YB Senator Datuk Dr. Hajah Fuziah Salleh, Timbalan Menteri Perdagangan Dalam Negeri dan Kos Sara Hidup telah meluangkan masa turun padang ke Bazar Ramadan RAHMAH (BRR) di pekarangan MYDIN Mall Tunjong, Kelantan pada 27 Februari 2026.

YB Timbalan Menteri turut berkesempatan melakukan sesi *walkabout* Bazar Ramadan RAHMAH (BRR) ke khemah Ihsan Food Bank (i-FB) dan menyantuni peniaga serta pengunjung.

Kementerian Perdagangan Dalam Negeri dan Kos Sara Hidup (KPDN) dengan kerjasama strategik Pihak Berkuasa Tempatan (PBT) Negeri Kelantan terus memperkukuh pelaksanaan BRR sebagai komitmen berterusan membantu rakyat menangani kos sara hidup sepanjang Ramadan.

Sebanyak enam (6) lokasi BRR di Kelantan dilaksanakan sepanjang bulan Ramadan antaranya BRR Mydin Mall Tunjong, BRR Pantai Irama Bachok, BRR Bandar Macang, BRR Dewan Jubli Perak Tanah Merah, BRR Tasek Raja Pasir Mas dan BRR Dewan Pusat Sivik Gua Musang.





MAJLIS PENYERAHAN PROJEK KAMPUNG ANGKAT MADANI DAN SEKOLAH ANGKAT MADANI KPDN TAHUN 2026

Majlis Penyerahan Projek Kampung Angkat MADANI dan Sekolah Angkat MADANI KPDN Tahun 2025 telah disempurnakan oleh YBhg. Dato' Seri Mohd Sayuthi Bakar, Ketua Setiausaha Kemneterian Perdagangan Dalam Negeri dan Kos Sara Hidup (KPDN) pada 14 Februari 2026 bertempat di Dewan MPSPK, Tikam Batu, Sungai Petani.

Program ini merupakan inisiatif yang digerakkan berlandaskan semangat Malaysia MADANI, dengan matlamat memperkukuh pembangunan kampung serta komuniti luar bandar melalui penglibatan menyeluruh agensi kerajaan, sektor swasta dan masyarakat setempat.



Antara kerja-kerja penambahbaikan yang dijalankan ialah memperbaiki jalan di kawasan kampung, pemasangan 42 buah unit lampu solar, membina pagar di kawasan tanah perkuburan, menaik taraf fasiliti kantin, pemasangan pembesar suara dan penghawa dingin di surau. Sekolah Kebangsaan Tikam Batu turut diberikan tiga (3) buah *Smart TV* dan penambahan kerusi serta meja bagi keselesaan murid-murid di sekolah.



Turut hadir ialah YBhg. Datuk Azman bin Adam, Ketua Pengarah Penguat Kuasa KPDN, YBrs. En Muhammad Nizam bin Jamaludin, Pengarah KPDN Negeri Kedah dan Setiausaha Bahagian dan Pegawai-pegawai Kementerian.

PEMUKIMAN STRATEGIK HALA TUJU & FOKUS KEMENTERIAN PERDAGANGAN DALAM NEGERI DAN KOS SARA HIDUP TAHUN 2026

Mesyuarat Pemukiman Strategik Hala Tuju Kementerian Perdagangan Dalam Negeri dan Kos Sara Hidup (KPDN) Tahun 2026 telah berlangsung selama tiga (3) hari pada 23 Januari hingga 25 Januari 2026 di Aloft Kuala Lumpur Sentral, Kuala Lumpur.

YB Datuk Armizan Mohd Ali, Menteri Perdagangan Dalam Negeri dan Kos Sara Hidup (KPDN) telah menekankan kepentingan menterjemahkan setiap perancangan kepada tindakan yang berstrategi dan dirasakan kesannya kepada para pemegang taruh KPDN. YB Menteri turut menyeru warga KPDN agar dapat menjiwai dan melaksanakan amanah dan tanggungjawab kementerian secara optimum.

Selain itu, aspek komunikasi strategik yang menyeluruh perlu diterapkan dalam gerak kerja KPDN khususnya di peringkat lapangan. Pendekatan BFI sekali lagi ditekankan agar mendasari setiap proses pelaksanaan polisi yang dirangka serta diterjemahkan demi manfaat yang benar-benar imprinted kepada semua pihak.




YB Senator Datuk Dr. Fuziah Salleh, Timbalan Menteri KPDN menjelaskan pendekatan indikator BFI (*Blueprint, Footprint, Imprint*) seperti yang digagaskan oleh YB Datuk Armizan Mohd Ali, Menteri KPDN menerusi inisiatif di bawah kefungisian K.P.D.N. K.I.T.A. Setiap inisiatif dan pelaksanaan yang dirangka mesti meninggalkan footprint yang jelas sebagai bukti tindakan.

Namun, yang lebih utama ialah kesan sebenar yang terhasil dan dapat dirasakan oleh rakyat serta memberi nilai tambah jangka panjang kepada kesejahteraan kehidupan seharian. Di sinilah terletaknya imprint sebenar keberkesanan dasar dan pelaksanaan yang berimpak.






Selain itu, YBhg. Dato' Seri Mohd Sayuthi Bakar, Ketua Setiausaha KPDN turut memfokuskan kepada hala tuju KPDN bagi tahun 2026 seperti mana yang telah digariskan oleh YB Datuk Armizan Mohd Ali, Menteri KPDN melalui pendekatan antara bahagian bagi memastikan setiap perancangan program atau inisiatif kementerian dapat diterjemahkan dalam bentuk nyata agar dapat dirasai para pemegang taruh KPDN selari dengan hasrat Kerajaan MADANI dalam memaknai aspirasi rakyat.



Sesi pembentangan mengikut kluster dan bahagian di peringkat Kementerian yang turut diperhalusi secara holistik oleh YB Datuk Armizan Mohd Ali, Menteri Perdagangan Dalam Negeri dan Kos Sara Hidup, bersama pengurusan tertinggi serta pegawai-pegawai KPDN.

KPDN komited untuk memastikan setiap agenda perlindungan pengguna, ekosistem perdagangan dalam negeri dan pengurusan kos sara hidup diperkukuh melalui pelaksanaan secara efisien dan berimpak tinggi.



Mesyuarat ini turut dihadiri oleh YBhg. Datuk Roziah binti Abudin, Timbalan Ketua Setiausaha (Pembangunan Perdagangan Dalam Negeri), YBhg. Dato' Haji Amran bin Haji Ahmad, Timbalan Ketua Setiausaha (Kepenggunaan dan Pengurusan), YBhg. Datuk Azman bin Adam, Ketua Pengarah Penguat Kuasa dan pengurusan tertinggi Kementerian.





KUNJUNGAN HORMAT YB MENTERI WANITA, KESIHATAN DAN KESEJAHTERAAN RAKYAT SABAH KE KEMENTERIAN PERDAGANGAN DALAM NEGERI DAN KOS SARA HIDUP

Kementerian Perdagangan Dalam Negeri dan Kos Sara Hidup (KPDN) telah menerima kunjungan hormat daripada YB Datuk Julita Majungki, Menteri Wanita, Kesihatan dan Kesejahteraan Rakyat Sabah pada 27 Januari 2026 di Pejabat KPDN, Putrajaya.

Selain mengucapkan tahniah terhadap pelantikan YB Datuk Julita Majungki sebagai Menteri di Kementerian Wanita, Kesihatan dan Kesejahteraan (KWKKR) Rakyat Sabah, YB Datuk Armizan Mohd Ali, Menteri Perdagangan Dalam Negeri dan Kos Sara Hidup turut berkongsi fungsi dan peranan Kementerian serta hala tuju KPDN bagi tahun 2026.

Beberapa cadangan kerjasama di peringkat persekutuan dan negeri juga dibincangkan bersama seperti inisiatif Program Jualan RAHMAH MADANI (PJRM), Program Penstabilan Harga, inisiatif *Food Bank* dan sebagainya bagi menangani isu kos sara hidup serta meningkatkan kesejahteraan rakyat khususnya di negeri Sabah.



Turut hadir YBhg. Dato' Seri Mohd Sayuthi bin Bakar, Ketua Setiausaha KPDN, YBhg. Datuk Maria Chong, Setiausaha Tetap KWKKR, YBhg. Dato' Haji Amran bin Haji Ahmad, Timbalan Ketua Setiausaha (Kepenggunaan dan Pengurusan), YBhg. Alijah binti Ismail Timbalan Setiausaha Tetap I KWKKR, YBhg. Datuk Azman Adam, Ketua Pengarah Penguat Kuasa, Ketua-ketua Agensi serta pegawai-pegawai kanan KPDN dan KWKKR.



KEMENTERIAN PERDAGANGAN DALAM NEGERI
DAN KOS SARA HIDUP

Selamat Menyambut Hari **THAIPUSAM**

1 Februari 2026



Ikhlas Daripada

Pengurusan Tertinggi
dan Seluruh Warga Kerja KPDN



f x t i y k KPDN

www.kpdn.gov.my



MAJLIS MENANDATANGANI SURAT PERSEFAHAMAN (LoU) ANTARA SURUHANJAYA PERSAINGAN MALAYSIA (MYCC) DAN JABATAN WILAYAH PERSEKUTUAN (JWP)

YB Datuk Armizan Mohd Ali, Menteri Perdagangan Dalam Negeri dan Kos Sara Hidup bersama YB Puan Hannah Yeoh, Menteri di Jabatan Perdana Menteri (Wilayah Persekutuan) telah menyaksikan majlis menandatangani Perjanjian Surat Persefahaman (*LoU*) antara Jabatan Wilayah Persekutuan (JWP) dan Suruhanjaya Persaingan Malaysia (MyCC) pada 29 Januari 2026 di Anjung Singgahsana, Menara Dewan Bandaraya Kuala Lumpur 1, W.P. Kuala Lumpur.

Kerjasama strategik ini bertujuan memperkukuh pelaksanaan agenda Kerajaan dalam membanteras amalan anti-persaingan, khususnya kegiatan kartel dan pakatan tipuan bida dalam proses perolehan Kerajaan.



LoU berkenaan telah ditandatangani oleh YBhg. Datuk Seri Noridah binti Abdul Rahim, Ketua Pengarah Jabatan Wilayah Persekutuan, dan YBhg. Tan Sri Dato' Sri Idris bin Harun, Pengerusi MyCC.

Antara skop utama kerjasama ini termasuk penyediaan khidmat nasihat serta laporan penilaian awal berkaitan unsur tipuan bida dalam perolehan, pelaksanaan latihan secara berkala kepada pegawai perolehan serta pemberian pandangan berhubung isu persaingan dan penilaian risiko dalam proses perolehan Kerajaan.



MAJLIS PENAMATAN PROGRAM PEMENTORAN SESI 2025 KPDN

Majlis Penamatan Program Pementoran Sesi 2025 Kementerian Perdagangan Dalam Negeri dan Kos Sara Hidup (KPDN) telah dirasmikan oleh YBhg. Dato' Hj. Amran bin Hj. Ahmad, Timbalan Ketua Setiausaha (Kepenggunaan dan Pengurusan) pada 5 Februari 2026 di Pejabat KPDN Putrajaya. Seramai 426 penyertaan peserta melibatkan 190 mentor dan 236 menti yang merupakan pegawai lantikan baharu dari seluruh cawangan KPDN.



Program ini menjadi platform pemindahan ilmu, perkongsian pengalaman serta pembentukan nilai profesional bagi memastikan kesinambungan kecemerlangan organisasi.

Turut hadir bersama, YBrs. Tuan Saifulbahri bin Abdul Kadir dari Bahagian Penguat Kuasa YBrs. Puan Noridah binti Lohang dan YBrs. Encik Maclean Chong dari Bahagian Pengurusan Sumber Manusia.

PROGRAM TURUN PADANG BRR TINJAU MANFAAT INISIATIF KERAJAAN KEPADA RAKYAT



YB Senator Datuk Dr. Fuziah Salleh, Timbalan Menteri Perdagangan Dalam Negeri dan Kos Sara Hidup telah mengadakan sesi turun padang ke Bazar Ramadan RAHMAH (BRR) peringkat Zon Tengah di Bazar Ramadan Jalan Raja Alang Kampung Baru, Kuala Lumpur pada 28 Februari 2026. Program ini merupakan sebahagian daripada inisiatif di bawah Program Payung RAHMAH MADANI bagi membantu rakyat menangani kos sara hidup sepanjang bulan Ramadan.

Di Wilayah Persekutuan Kuala Lumpur, pelaksanaan BRR melibatkan empat (4) lokasi utama dengan kerjasama strategik Dewan Bandaraya Kuala Lumpur (DBKL), iaitu Bazar Ramadan Jalan Raja Alang (Kampung Baru), Pusat Transformasi Bandar (UTC) Sentul, Tempat Letak Kereta Tasik Permaisuri dan Seksyen 1, Wangsa Maju.

Program ini bertujuan untuk meninjau pematuhan harga, kualiti dan kebersihan peniaga serta berinteraksi dengan pengguna dan peniaga kecil. Pendekatan ini menzahirkan komitmen Kerajaan memastikan BRR memberi manfaat melalui juadah terbuka pada harga RAHMAH dan ekosistem perniagaan yang adil selaras dengan semangat Malaysia MADANI.



Kementerian Perdagangan Dalam Negeri dan Kos Sara Hidup (KPDN) melalui agensi Suruhanjaya Persaingan Malaysia (MyCC) telah melancarkan Kajian Pasaran Ekosistem Ekonomi Digital di bawah Akta Persaingan 2010 (Akta 712) pada 10 Februari 2026.

Majlis pelancaran ini telah dirasmikan oleh YB Datuk Armizan Mohd Ali, Menteri Perdagangan Dalam Negeri dan Kos Sara Hidup di ParkRoyal Collection Kuala Lumpur dengan penyertaan kira-kira 300 orang peserta yang terdiri daripada wakil kementerian, agensi Kerajaan, pemain industri, pertubuhan pengguna dan institusi akademik.



MyCC LANCAR KAJIAN PASARAN EKOSISTEM EKONOMI DIGITAL DI BAWAH AKTA PERSAINGAN 2010



Kajian ini penting bagi menilai struktur pasaran serta amalan perniagaan dalam sektor ekonomi digital yang berpotensi memberi kesan terhadap ekosistem persaingan, pilihan pengguna, harga barangan dan perkhidmatan serta percukaian di Malaysia.

Kajian ini dilaksanakan sejajar dengan kefungsan KPDN untuk mewujudkan ekosistem perdagangan dalam negeri yang mampan dan progresif khususnya kepentingan pasaran yang adil dan sihat sekali gus melindungi pengguna.

MAJLIS PELANCARAN INISIATIF IHSAN FOOD BANK (i-FB)

YB Datuk Armizan Mohd Ali, Menteri Perdagangan Dalam Negeri dan Kos Sara Hidup telah melancarkan Inisiatif Ihsan *Food Bank* (i-FB) pada 12 Februari 2026 bertempat di Politeknik Sultan Idris Shah (PSIS), Sabak Bernam, Selangor.

Dalam ucapannya, YB Menteri menegaskan komitmen KPND melalui penjenamaan semula program Program *Food Bank* Malaysia kepada Ihsan *Food Bank* (i-FB) untuk terus memperkukuh pelaksanaannya berpaksi kepada tiga komponen utama iaitu Santuni Komuniti, Sayangi Alam dan Selamatkan Makanan.



Inisiatif i-FB turut menumpukan usaha dalam menanam nilai kebersamaan menyumbang khidmat bakti masyarakat dalam gerakan menyelamatkan makanan (*food rescue*) sejajar dengan komitmen Malaysia yang menyasarkan pengurangan separuh daripada pembaziran makanan di peringkat industri dengan pengguna menjelang 2030.

Majlis ini turut menyaksikan pelancaran Inkubator Ihsan Food Bank@PSIS. Food Bank Siswa di PSIS yang mula digerakkan oleh Gerakan Pengguna Siswa (GPS) merupakan perintis pelaksanaan Program Food Bank Malaysia yang diperkenalkan oleh KPND bermula tahun 2019.

Turut hadir YB Datuk Hj. Rizam Hj. Ismail, Exco Kemajuan Desa, Perpaduan & Pengguna Negeri Selangor, YBhg. Dato' Seri Mohd Sayuthi Bakar, Ketua Setiausaha KPND, YBhg. Datuk Azman Adam, Ketua Pengarah Penguat Kuasa KPND, YBrs. Pn. Haslinda Abd Hamid, Pengarah Politeknik Sultan Idris Shah dan pegawai-pegawai kanan kementerian.





KEMENTERIAN PERDAGANGAN DALAM NEGERI
DAN KOS SARA HIDUP

Selamat Menyambut
TAHUN BAHARU CINA

17 FEBRUARI 2026

2026

YEAR OF FIRE HORSE

Ikhtlas Daripada

Pengurusan Tertinggi dan
Seluruh Warga Kerja KPDN



f x i g y t KPDN

www.kpdn.gov.my



KEMENTERIAN PERDAGANGAN DALAM NEGERI
DAN KOS SARA HIDUP

SKIM HARGA MAKSIMUM MUSIM PERAYAAN (SHMMP)

TAHUN BARU CINA 2026

15 FEBRUARI 2026 – 20 FEBRUARI 2026



Bawang Putih
(China)



Lobak Merah
(China)



Ubi Kentang
(China)



Kepak Ayam
(Dikawal di Sabah, Sarawak dan WP Labuan)



Bawang Merah Besar



Lobak Putih
(Import)



Halia Tua
(Import)



Babi Hidup
Harga Maksimum di peringkat ladang sahaja)



Bawang Kuning Besar



**Sawi Pendek/
Sawi Jepun**



Ikan Bawal Putih



Daging Babi
(Perut)



Cili merah



Kubis Bulat Import
(Indonesia dan China tidak termasuk kubis Beijing)



Udang Putih Besar



Daging Babi
(Daging dan Lemak)

KEWAJIPAN PENIAGA di bawah Akta Kawalan Harga dan Antipencatutan 2011 [Akta 723]

- Meletakkan tanda harga merah jambu.
- Tidak menjual melebihi harga maksimum yang ditetapkan.
- Memastikan bekalan barangan mencukupi di pasaran.
- Menggunakan alat timbang dan sukat yang telah ditentukan.



Imbas kod QR untuk membuat laporan atau mengemukakan aduan kepada KPDN.



Imbas senarai penuh SHMMP Tahun Baru Cina 2026.

PELAKSANAAN **SKIM HARGA MAKSIMUM** **MUSIM PERAYAAN** TAHUN BAHARU CINA 2026



YB Datuk Armizan Mohd Ali, Menteri Perdagangan Dalam Negeri dan Kos Sara Hidup telah menghadiri Program Jualan RAHMAH MADANI (PJRM) sekali gus mengadakan pengumuman mengenai Skim Harga Maksimum Musim Perayaan (SHMMP) Tahun Baharu Cina 2026 di DUN Kesidang, Melaka pada 10 Februari 2026.

Skim ini berkuat kuasa dari 13 hingga 21 Februari 2026 melibatkan kawalan harga bagi 16 jenis barangan dengan jumlah berbeza mengikut negeri iaitu 16 barangan di Sarawak, 15 di Semenanjung Malaysia dan Sabah, serta 14 di Wilayah Persekutuan Labuan.

YB Menteri turut memaklumkan bahawa pegawai penguat kuasa KPDN akan ditempatkan di lokasi strategik seperti pasar awam, pasar tani dan pusat membeli-belah bagi memastikan pematuhan peniaga, termasuk penggunaan label merah jambu bagi barangan kawalan harga.



Selain itu, sebanyak 920 siri PJRM telah dilaksanakan di seluruh negara sepanjang PJRM Tahun Baharu Cina pada 3 sehingga 17 Februari 2026.

MESYUARAT PENSTABILAN HARGA SABAH, SARAWAK DAN W.P. LABUAN BIL 1 TAHUN 2026

Mesyuarat Penstabilan Harga Sabah, Sarawak dan Wilayah Persekutuan Labuan Bilangan 1 Tahun 2026 telah dipengerusikan oleh YAB Dato' Amar Haji Fadillah bin Haji Yusof, Timbalan Perdana Menteri Malaysia merangkap Menteri Peralihan Tenaga dan Transformasi Air pada 26 Februari 2026 di Parlimen Malaysia, Kuala Lumpur bagi membincangkan cadangan dan strategi penstabilan harga serta langkah untuk menangani jurang harga antara Semenanjung dan Borneo.



Mesyuarat ini turut menyaksikan pelantikan YB Datuk Ts. Mustapha@ Mohd Yunus bin Sakmud, Menteri di Jabatan Perdana Menteri (Sabah dan Sarawak) dan YB Datuk Lo Su Fui, Timbalan Menteri di Jabatan Perdana Menteri (Wilayah Persekutuan) sebagai Ahli Mesyuarat Jawatankuasa Penstabilan Harga Sabah, Sarawak dan Wilayah Persekutuan Labuan. Mesyuarat ini turut dihadiri YB Dato Sri Alexander Nanta Linggi selaku pengerusi Jawatankuasa Teknikal Penstabilan Harga Sarawak dan YB Datuk Julita Mojungki, Menteri Wanita, Kesihatan dan Kesejahteraan Rakyat Sabah.



Penganjuran mesyuarat ini menunjukkan usaha serta komitmen berterusan kerajaan persekutuan dan negeri untuk mengurangkan beban kos sara hidup di Sabah, Sarawak, dan Wilayah Persekutuan Labuan.



PELAKSANAAN SHMMP TAHUN BAHARU CINA PERINGKAT NEGERI KEDAH DAN PERASMIAN PJRM PREMIUM 3.0

YB Senator Datuk Dr. Fuziah Salleh, Timbalan Menteri Perdagangan Dalam Negeri dan Kos Sara Hidup telah merasmikan dua (2) program utama KPDN iaitu Pelaksanaan Skim Harga Maksimum Musim Perayaan (SHMMP) Tahun Baharu Cina Peringkat Negeri Kedah di Lotus, Kulim dan Program Jualan RAHMAH MADANI (PJRM) Premium 3.0 di Stadium Kulim pada 13 Februari 2026.



SHMMP Tahun Baharu Cina yang berkuat kuasa bermula 13 hingga 21 Februari 2026 bertujuan untuk memastikan keseimbangan antara kepentingan pengguna dan peniaga sepanjang tempoh permintaan barangan meningkat menjelang perayaan. Manakala pelaksanaan PJRM Premium berlangsung pada 13 hingga 15 Februari 2026 pula menekankan akses kepada barangan berkualiti lebih tinggi pada harga berpatutan tanpa mengabaikan matlamat asal menangani kos sara hidup rakyat.

Turut hadir YBrs. Tn. Shamsul Nizam bin Khalil, Timbalan Ketua Pengarah Penguat Kuasa (Operasi) KPDN, YBrs. Encik Muhammad Nizam bin Jamaludin, Pengarah KPDN Negeri Kedah dan ketua cawangan serta pegawai-pegawai KPDN.

MAJLIS AMANAT YAB PERDANA MENTERI TAHUN 2026



Penyampaian amanat Perutusan Tahun Baharu 2026 oleh Yang Amat Berhormat Datuk Seri Anwar Ibrahim, Perdana Menteri Malaysia pada perhimpunan bulanan telah berlangsung pada 5 Januari 2026 di Dewan Puspanitapuri, Putrajaya.

Amanat tersebut menggariskan hala tuju, inisiatif strategik dan pengumuman penting yang akan digerakkan sepanjang tahun 2026. Ia menekankan pemerkasaan penyampaian perkhidmatan melalui pendigitalan, penambahbaikan infrastruktur rakyat, pengukuhan kebajikan menerusi bantuan bersasar, pelarasan gaji penjawat awam dan penambahbaikan akses pendidikan serta kesihatan.



Perutusan berikut menjadi pemacu Kementerian Perdagangan Dalam Negeri dan Kos Sara Hidup (KPDN) untuk terus memperkukuh kebajikan rakyat dan kecekapan perkhidmatan Kementerian. KPDN telah menasaskan sebanyak 23,000 siri pelaksanaan Program Jualan RAHMAH MADANI (PJRM) sepanjang tahun 2026, meliputi 600 kawasan Dewan Undangan Negeri (DUN) dan 40 zon di Wilayah Persekutuan yang bermula pada 9 Januari 2026 dan akan ditingkatkan kekerapan sebanyak tiga (3) kali sebulan di setiap tempat bagi memastikan kos sara hidup rakyat terus terpelihara.



Turut hadir ialah YBhg. Dato' Mohd Sayuthi bin Bakar, Ketua Setiausaha KPDN, YBhg. Datuk Roziah binti Abudin, Timbalan Ketua Setiausaha (Pembangunan Perdagangan Dalam Negeri), YBhg. Dato' Haji Amran bin Haji Ahmad, Timbalan Ketua Setiausaha (Kepenggunaan dan Pengurusan), serta pengurusan tertinggi KPDN.

KPDN PERKASA PENYAMPAIAN PELAKSANAAN DASAR PENGGUNA NEGARA 2.0 (DPN 2.0)

Kementerian Perdagangan Dalam Negeri dan Kos Sara Hidup (KPDN) telah menganjurkan Bengkel Perancangan Komunikasi Strategik dan Advokasi Dasar Pengguna Negara 2.0 (DPN 2.0) pada 10 hingga 12 Februari 2026 di Ayer Keroh, Melaka.

KPDN komited untuk memastikan pelaksanaan DPN 2.0 dapat disampaikan secara berkesan, selaras dan berimpak tinggi selari dengan aspirasi Malaysia MADANI. Bengkel ini adalah platform utama untuk memperkukuh perancangan komunikasi dan advokasi DPN 2.0 bagi melancarkan penyampaian pelaksanaan tersebut.

Ke arah memperkasa pembentukan plan komunikasi strategik DPN 2.0, penglibatan Pengurusan Tertinggi, Setiausaha Bahagian, Pengarah Negeri dan pegawai berkaitan sangat penting bagi memastikan advokasi yang bersepadu, selari dan konsisten di semua peringkat pelaksanaan.



Bengkel ini menjadi platform strategik bagi menyelaraskan perbincangan antara pelbagai pihak berkepentingan dalam merangka plan komunikasi dan advokasi DPN 2.0 yang lebih tersusun, berfokus dan berorientasikan hasil.

Dapatan bengkel akan dijadikan input penting bagi memantapkan pelaksanaan dasar sebelum pembentangan kepada Jemaah Menteri, dengan pelancaran rasmi DPN 2.0 yang dijangka pada April 2026. Pendekatan ini diyakini dapat memperkukuh penyampaian dasar, meningkatkan kefahaman pemegang taruh serta melahirkan pengguna yang lebih berdaya upaya, berinformasi dan dilindungi.



Salam
ramadān
al-mubārak

19 FEBRUARI 2026 | 1 RAMADAN 1477H



Iklas Daripada
**Pengurusan Tertinggi
dan Seluruh Warga Kerja KPDN**

PELANCARAN BAZAR RAMADAN RAHMAH (BRR) PERINGKAT KEBANGSAAN TAHUN 2026



YB Senator Datuk Dr. Fuziah Salleh, Timbalan Menteri Perdagangan Dalam Negeri dan Kos Sara Hidup telah melancarkan Bazar Ramadan RAHMAH (BRR) Kebangsaan Tahun 2026 pada 20 Februari 2026 di Bazar Ramadan Tapak Perling Mall, Johor Bahru.



Program yang kini memasuki tahun keempat pelaksanaannya dilaksanakan di 116 buah lokasi di seluruh negara sebagai langkah proaktif menyediakan pilihan hidangan berbuka puasa pada harga lebih berpatutan, dengan tumpuan khas kepada Menu RAHMAH yang dijual pada harga tidak melebihi RM5.

Inisiatif ini juga menitikberatkan aspek pengurangan pembaziran makanan melalui pelaksanaan inisiatif *MySaveFood* yang kini dijenamakan semula sebagai *Ihsan Food Bank* (i-FB). Inisiatif yang diperkenalkan pada 27 Mac 2023 ini dilaksanakan bagi menyelamatkan lebih makanan di bazar Ramadan untuk diagihkan kepada golongan memerlukan melalui kerjasama pihak berkuasa tempatan, pertubuhan sukarelawan dan komuniti setempat.



PROGRAM PENGHAYATAN NILAI-NILAI ISLAM SIRI 1

Kementerian Perdagangan Dalam Negeri dan Kos Sara Hidup (KPDN) telah mengadakan Program Penghayatan Nilai-Nilai Islam Siri 1 yang berlangsung dengan jayanya pada 26 Februari 2026 bertempat di Dewan Serbaguna KPDN.



Pengisisan program bermula dengan Slot Perkongsian Ilmu bertajuk “Wakaf Memperkasa Ekonomi Ummah dan Penyelesaiannya” yang disampaikan oleh YM Raja Sharin bin Raja Tahir daripada Yayasan Wakaf Malaysia. Seterusnya, majlis diteruskan dengan alunan Asmaul Husna dan bacaan doa.



Slot seterusnya bertajuk “Puasa VS Nafsu: Misi Sebulan Menakluki Diri” disampaikan oleh YBhg. Prof. Madya Dato’ Dr. Haji Mohd Izhar Ariff bin Mohd Kashim, Dekan Fakulti Pengajian Islam, Universiti Kebangsaan Malaysia (UKM) yang mengupas peranan puasa sebagai medium tarbiah diri dalam membentuk disiplin, integriti dan kekuatan rohani.



Program ini diharap dapat menyemai dan menyuburkan nilai-nilai murni dalam perkhidmatan serta kehidupan seharian warga KPDN, khususnya dalam menghayati keberkatan bulan Ramadan.

MAJLIS MENANDATANGANI SURAT PERSEFAHAMAN ANTARA KBS DAN MyCC



YB Datuk Armizan Mohd Ali, Menteri Perdagangan Dalam Negeri dan Kos Sara Hidup telah menghadiri Majlis Menandatangani Surat Persefahaman (LoU) antara Kementerian Belia dan Sukan (KBS) dan Suruhanjaya Persaingan Malaysia (MyCC) pada 26 Februari 2026 di Menara KBS, Putrajaya.

LoU yang ditandatangani oleh YBhg. Dato' Ts. Dr. Nagulendran Kangayatkarasu, Ketua Setiausaha KBS dan YBhg. Tan Sri Dato Sri Idrus Harun, Pengerusi MyCC, merangkumi tiga (3) skop utama iaitu penyediaan laporan awal unsur tipuan bida dalam perolehan, pelaksanaan latihan berkala serta khidmat nasihat berkaitan isu persaingan dan risiko perolehan.

Dalam sidang media, YB Menteri turut memaklumkan cadangan peruntukan baharu di bawah Akta 712 termasuk perlindungan serta ganjaran kepada pemberi maklumat.

Turut hadir YB Dr. Mohammed Taufiq Johari, Menteri KBS, YB Tuan Mordianak Bimol, Timbalan Menteri KBS dan YBhg. Dato' Seri Mohd Sayuthi Bakar, Ketua Setiausaha Kementerian Perdagangan Dalam Negeri dan Kos Sara Hidup.



AKTIVITI PENGUATKUASAAN KPDN NEGERI PERAK

Sepasukan penguat kuasa Kementerian Perdagangan Dalam Negeri dan Kos Sara Hidup (KPDN) Cawangan Manjung telah menjalankan pemeriksaan tanda harga, alat timbang dan sukat serta pelbagai akta yang dikuatkuasakan di sekitar Manjung, Perak pada 20 Februari 2026.

Pemeriksaan dijalankan bersempena dengan pelaksanaan Skim Harga Maksimum Musim Perayaan (SHMMP) Tahun Baharu Cina 2026 yang berkuat kuasa pada 13 sehingga 21 Februari 2026. Hasil pemeriksaan mendapati premis terlibat mematuhi keperluan penandaan harga dengan jelas dan mematuhi peraturan semasa. Selain itu, alat timbang dan sukat yang digunakan berada dalam tempoh penentusahan yang sah.



KPDN Manjung turut menasihatkan peniaga-peniaga supaya terus mematuhi segala peraturan dan undang-undang yang dikuatkuasakan bagi memastikan hak pengguna sentiasa terpelihara.



AKTIVITI PENGUATKUASAAN KPDN WILAYAH PERSEKUTUAN KUALA LUMPUR



YBrs. Tuan Mohd Sabri bin Seman, Pengarah Kementerian Perdagangan Dalam Negeri dan Kos Sara Hidup (KPDN) Wilayah Persekutuan Kuala Lumpur (W.P. Kuala Lumpur) bersama Tuan Mohd Shahrin bin Mohd Arshad, Ketua Pegawai Penguat Kuasa KPDN W.P. Kuala Lumpur telah mengadakan sesi *walkabout* di Bazar Ramadan Rahmah (BRR) 2026, Taman Tasik Permaisuri, Bandar Tun Razak, Cheras pada 20 Februari 2026.

Seiring pelaksanaan BRR, Ops Pantau 2026 turut dilaksanakan pada 19 Februari sehingga 30 Mac 2026 bagi memastikan bekalan dan harga barangan kekal mencukupi serta terkawal sepanjang Ramadan sehingga menjelang Aidilfitri.

Bagi tahun 2026, pelaksanaan BRR di W.P. Kuala Lumpur melibatkan empat (4) bazar utama iaitu Bazar Tasik Permaisuri, Bazar Pusat Transformasi Bandar (UTC) Sentul, Bazar Jalan Raja Alang (Kampung Baru) dan Bazar Seksyen 1 Wangsa Maju dengan kerjasama Dewan Bandaraya Kuala Lumpur (DBKL).

Seiring pelaksanaan BRR, Ops Pantau turut dilaksanakan bermula 19 Februari hingga 30 Mac 2026 bagi memastikan bekalan dan harga barangan kekal mencukupi serta terkawal sepanjang Ramadan sehingga menjelang Aidilfitri.

KPDN W.P. Kuala Lumpur komited memperkukuh pemantauan dan penguatkuasaan bagi memastikan persekitaran perniagaan yang adil serta melindungi kepentingan pengguna.



SOROTAN LENSA






KPDN 2026





SOROTAN LENSA






KPDN 2026



MAJLIS PELANCARAN INISIATIF FOOD BANK (I-FB)



PELAKSANAAN SHMMP TAHUN BAHARU CINA PERINGKAT NEGERI KEDAH DAN PERASMIAN PJRM PREMIUM 3.0

TERBITAN:



KEMENTERIAN PERDAGANGAN DALAM NEGERI
DAN KOS SARA HIDUP

NO. 13, PERSIARAN PERDANA, PRESINT 2, 62623
PUTRAJAYA, WILAYAH PERSEKUTUAN PUTRAJAYA

f X @ KPDN